



MChJ “Tashkent International
University of Education”
2024 yil «___» ____ dagi
____ -sonli buyrug‘iga
1-ILOVA

“TASHKENT INTERNATIONAL UNIVERSITY OF EDUCATION”


2024-2025 O’QUV YILI UCHUN QABUL QOIDALARI



<https://tiue.uz/>



APPLY.TIUE.UZ



[Location](#)

Mundarija

1. Kirish	3
2. Tamoyillar	3
3. Taklif etilinayotgan dasturlar	4
4. Ta’lim shakllari	5
5. Qabul kvotasi	5
6. Imkoniyati cheklangan abituriyentlar	5
7. O‘qishni qayta tiklash	6
8. Saralashning asosiy shartlari	6
9. Hujjatlarni qabul qilish jarayoni	7
10. Qabul qoidalari va hujjatlarga talablar	8
11. Mahalliy va xorijiy universitetlardan to‘g‘ridan-to‘g‘ri qabul (TRANSFER).....	11
12. Hujjatlarni qabul qilish va imtihon topshirish muddatlari	12
16. Appelyatsiya	16
17. To‘lov-kontrakt miqdori	17
18. Scholarship & Moliyaviy yordam	18
19. TIUE kontakt ma’lumotlari	19

ABITURIYENTLARNI QABUL QILISH TARTIB-QOIDALARI

1. Kirish

- 1.1. Abituriyentlarni qabul qilish tartib-qoidalari (keyingi o‘rinlarda - tartib-qoidalalar) “Tashkent International University of Education” (keyingi o‘rinlarda – “TIUE” yoki Universitet) o‘quv dasturlariga abituriyentlarni qabul qilish bilan bog‘liq barcha jarayonlar, tartiblar va qoidalari o‘z ichiga oladi.
- 1.2. Universitetning o‘quv dasturlariga qabul ushbu tartib-qoidalalar asosida amalga oshiriladi.
- 1.3. Tartib-qoidalalar O‘zbekistonda mahalliy va xalqaro abituriyentlarni dasturlariga qabul qilishni o‘z ichiga oladi.
- 1.4. Tartib-qoidalalar barcha abituriyentlar uchun adolatli bo‘lishga va TIUE talablariga javob berishga qaratilgan.
- 1.5. TIUE xalqaro universiteti O‘zbekiston Respublikasi Vazirlar Mahkamasining 2020 yil 23 iyundagi "Toshkent xalqaro ta’lim universitetini tashkil etish to‘g‘risida"gi 404-sonli qaroriga muvofiq tashkil etilgan. Universitet oliy ta’lim xizmatlari ko’rsatish faoliyatini amalga oshirish uchun vakolat berilgan davlat organining 054806-sonli litsenziyasiga ega.

2. Tamoyillar

- 2.1. “TIUE” har bir talabaning qadriyatlarini tan oladigan va har bir shaxsni o‘z salohiyatiga erishishga undaydigan mehmondo‘sit va bag‘rikeng hamjamiyatni yaratish va qo‘llab-quvvatlashga intiladi.
- 2.2. “TIUE” barcha talabalar uchun teng imkoniyatlarni berishga intiladi. Universitet turli millatdagi ta’lim oluvchi yoshlarni talabalar jamiyatini aks ettiruvchisi sifatida deb biladi va har bir talabaning tajribasini orttirishga intiladi.
- 2.3. “TIUE” tartib-qoidalari adolatli, ochiq va shaffof bo‘lishga qaratilgan.
- 2.4. Ushbu tartib-qoidalalar Universitet umidlari va tamoyillarini o‘z ichiga olgan bo‘lib, o‘rnatalgan tartib-qoidalalar ta’lim sifatini oshirishga hamda kafolatlashga yo‘naltirilgan. Abituriyentlarni qabul qilish Universitetning tasdiqlangan barcha ta’lim dasturlari, o‘qish shakllari va ta’lim yo‘nalishlari bo‘yicha amalga oshiriladi.
- 2.5. “TIUE” ushbu tartib-qoidalarga muvofiq barcha ochiq ta’lim yo‘nalishlari bo‘yicha barcha manfaatdor abituriyentlarning hujjatlarini qabul qilishga tayyor.

- 2.6. “TIUE” kamsitishning barcha shakllarini bartaraf etishga intiladi va har bir abituriyentga xushmuomalalik, adolatlilik va e’tiborni kafolatlaydi.
- 2.7. “TIUE” o‘qishga qabul qilish bo‘yicha qarorlarni o‘z vazifalarini vijdowan bajaradigan malakali mutaxassislar tomonidan amalga oshirilishini ta’minlaydi.
- 2.8. “TIUE” aniq, kerakli ma’lumotlar va maslahatlarni berish orqali oliy ta‘lim imkoniyatlarini kengaytiradi hamda talabchan abituriyentlar o‘rtasida taklif etilayotgan xizmatlarning foydali takliflaridan xabardorlik, qiziqish va ishonchni oshiradi.
- 2.9. “TIUE” abituriyentlarga Universitet haqidagi ishonchli ma’lumotlarni faqat rasmiy veb-sayt va abituriyentning “TIUE” Talabalarni ro‘yxatga olish portalida ro‘yxatdan o‘tgan elektron pochta manzili orqali taqdim etadi.

3. Taklif etilinayotgan dasturlar

- 3.1. “TIUE” xorijiy va mahalliy abituriyentlar uchun o‘zbek, rus va ingliz tillarida quyidagi o‘quv dasturlarini taklif etadi:

Dasturlar	Ta‘lim shakli	Ta‘lim tili	O‘qish davomiyligi
International Foundation Programme “IFP” (“OTHM” Level 3)	Kunduzgi	Ingliz tili	1 (bir) o‘quv yili
Bakalavr			
1. Axborot texnologiyalari	Kunduzgi Sirtqi	O‘zbek, rus va ingliz tillari O‘zbek va rus tillari	3 (uch) o‘quv yili 4 (to‘rt) o‘quv yili
2. Biznes boshqaruvi	Kunduzgi Sirtqi	O‘zbek, rus va ingliz tillari O‘zbek va rus tillari	3 (uch) o‘quv yili 4 (to‘rt) o‘quv yili
3. Ta‘lim va ta‘lim jarayonlarini boshqarish	Kunduzgi	O‘zbek, rus va ingliz tillari	3 (uch) o‘quv yili

- 3.2. “TIUE”da barcha o‘quv dasturlar to‘lov-kontrakt asosida amalga oshiriladi.
- 3.3. 17.3.-banddagi jadvalda taklif etilayotgan dasturlar va bir o‘quv yili uchun to‘lov-kontrakt miqdori haqida batafsil ma’lumotlar keltirilgan.

4. Ta’lim shakllari

- 4.1. 2024-2025-o‘quv yilida “TIUE” bakalavr ta’lim dasturlarini ikki (2) shaklda taqdim etadi: **kunduzgi va sirtqi**.
 - 4.1.1. *Kunduzgi ta’lim* – mashg‘ulotlar o‘qituvchi tomonidan o‘quv rejalarini (ma’ruza, amaliy, laboratoriya) asosida auditoriyada olib boriladi va talabalar hafta davomida mashg‘ulotlarga qatnashadilar, mashg‘ulotlar 9:30 da boshlanadi.
 - 4.1.2. *Sirtqi ta’lim* – o‘quv mashg‘uloti boshlanishidan oldin darslar gibrildi ta’lim shaklida (mustaqil va masofaviy ta’lim) o‘tkaziladi.

5. Qabul kvotasi

- 5.1. Har bir ta’lim yo‘nalishlari uchun ta’lim tillari (o‘zbek, rus va ingliz) kesimida kamida ellik (50) o‘rin ajratiladi. Shu bilan birga, tavsiya etilgan va qabul qilingan abituriyentlarning maksimal soni Universitet binosining imkoniyatlaridan kelib chiqib belgilanadi. Universitet qabul davrida yo‘nalish, til va ta’lim shakllari bo‘yicha guruhlarning bandligidan kelib chiqqan holda kvotalar joriy etish huquqini o‘zida saqlab qoladi.
- 5.2. Agar muayyan ta’lim yo‘nalishidagi talabalar soni ellik (50) nafarga yetmasa, universitet ushbu ta’lim yo‘nalishini ochmaslik yoki ushbu talabalar uchun boshqa ta’lim yo‘nalishlarini tavsiya etish huquqini o‘zida saqlab qoladi. Boshqa yo‘nalishga o‘tishni istamagan abituriyentlar uchun Universitet to‘lov-kontrakt asosida to‘langan mablag‘ning butun summasini qonun hujjalarda belgilangan tartibda, yozma arizada ko’rsatilgan plastik kartalarga yoki hisob raqamlariga qaytarib beradi. Qabul jarayonida barcha ta’lim yo‘nalishlari uchun kamida ellik (50) nafar talaba qabul qilingan taqdirda “TIUE” dasturlarni amalga oshira oladi.

6. Imkoniyati cheklangan abituriyentlar

- 6.1. “TIUE” imkoniyati cheklangan abituriyentlarga o‘z yutuqlari, salohiyatlarini namoyish etish va Universitet dasturlaridan teng foydalanish imkoniyatini yaratadi.
 - 6.1.1. Abituriyentlarni qabul qilish bo‘limi hamma holatlarda imkoniyati cheklangan abituriyentlarning “online-ariza”larini ko‘rib chiqadi va abituriyentlar bilan qo‘sishma ma’lumotlar olish uchun bog‘lanishi mumkin. Ma’lumotlardan foydalanish abituriyentning dasturlarga muvofiqligini aniqlash va ularning

qo'shimcha talablarini o'rganish uchun olinadi. Agar "TIUE" tomonidan taklif qilinayotgan dasturlar imkoniyati cheklangan abituriyentlarga to'g'ri kelmasa (ko'zi ojiz, qulog'i kar, soqov va hokazo) bunday hollarda Universitet abituriyent arizasini rad etishga majbur bo'lishi mumkin.

- 6.2. Abituriyentlar o'zlarining imkoniyatlari cheklanganliklari to'g'risidagi barcha tasdiqlovchi hujjatlarini taqdim etishlari kerak.
- 6.3. Abituriyentlar 4-bandga muvofiq o'z ehtiyojlariga ko'ra tegishli ta'lim shaklini tanlashlari mumkin.

7. O'qishni qayta tiklash

- 7.1. Talaba "TIUE"da kamida 1-semestrni qarzdorliksiz (akademik va moliyaviy) to'liq tugatgan bo'lib qandaydir sabablarga ko'ra o'qishini davom ettira olmagan bo'lsa, ularni o'qishini qayta tiklash yoki tiklamaslik huquqini Universitet o'z zimmasida qoldiradi.

8. Saralashning asosiy shartlari

- 8.1. Ushbu tartib-qoidalarning 2.2.- hamda 2.3.-bandlariga muvofiq "TIUE"adolatli bo'lishga va barcha abituriyentlar uchun teng imkoniyatlarni taqdim etishga intiladi. Tanlov imtihon va qabul mezonlariga javob beradigan akademik mukammallikka asoslanadi.
- 8.2. "TIUE" maktab, litsey, kollejni bitirganlik to'g'risidagi shahodatnoma yoki diplom, xalqaro standartlaridagi darajalar "A-Levels", "AS levels", "IB", "BTECs", "Advanced/Progression Diploma", mahalliy va xorijiy mamlakatlarning bakalavr (shu jumladan, bakalavr dasturining turli bosqichlarini o'qib bitirgan) va magistratura darajalariga ega abituriyentlarni bakalavr yo'nalishlariga qabul qiladi.
- 8.3. Tartib-qoidalalar abituriyentning qobiliyatlarini ta'lim dasturlari talablariga mos kelishini ta'minlash uchun ishlab chiqilgan.
- 8.4. "TIUE" dasturlariga topshirish uchun barcha abituriyentlar **FAQAT UNIVERSITETNING RASMIY VEB-SAHIFASI (www.tiue.uz) ORQALI ARIZALARINI "ONLINE" TOPSHIRISHLARI KERAK BO'LADI:**
- 8.5. "Online" tarzda taqdim etilgan arizalar ushbu tartib-qoidalarda belgilangan muddatlarda ko'rib chiqiladi.
- 8.6. Ushbu tartib-qoidalarning 10-bandida "TIUE"ga abituriyentlarni qabul qilishga qo'yiladigan talablar belgilangan.
- 8.7. Abituriyentlarni qabul qilish talablari har yili Qabul komissiyasi tomonidan ko'rib chiqiladi.

- 8.8. Abituriyentning “TIUE”ga o‘qishga kirish **TALABLARIGA JAVOB BERMAYDIGAN** “onlayn” arizasi avtomatik ravishda rad etiladi.

9. Hujjatlarni qabul qilish jarayoni

- 9.1. Qabul uchun arizalar Universitetning rasmiy veb-sahifasi orqali faqat “**ONLINE-ARIZA**” shaklida qabul qilinadi (www.tiue.uz). Shu bilan birga, abituriyent onlayn arizani (yoki so'rovnomani) Universitetda to'ldirish imkoniyatiga ega.
- 9.2. Abituriyentlar o‘zлari haqidagi shaxsiy ma'lumotlarni to‘g‘ri kiritishlari hamda kerakli bo‘lgan elektron hujjatlarni Universitetning qabul tizimiga yuklashlari kerak. Bunda, abituriyent taqdim etilgan ma'lumotlarning ishonchliligi va to‘g‘riliгини kafolatlaydi.
- 9.3. Kerakli hujjatlar yuklangandan so‘ng, hujjatlarni qabul qilish bo‘yicha mas’ul xodim abituriyent tomonidan taqdim etilgan barcha hujjatlarni o‘rganishni boshlaydi.
- 9.4. Abituriyent hujjatlarini tizimda topshirgandan so‘ng, imtihonlarni topshirishdan oldin abituriyent o‘z “online-ariza”siga tuzatishlar kiritishi mumkin bo‘ladi.
- 9.5. Kerakli hujjatlar bo‘lmasa, hujjatlarni qabul qilish bo‘yicha mas’ul xodim abituriyent bilan bog‘lanishi mumkin.
- 9.6. Abituriyentlarga tizimda bir nechta “online-ariza” topshirishga ruxsat berilmaydi.
- 9.7. Universitet abituriyent bilan muloqotni faqatgina abituriyent tomonidan “online-ariza”da ko‘rsatilgan elektron pochta manzili orqaligina tashkil qiladi. Har bir abituriyent “online-ariza”da ko‘rsatilgan elektron pochtasini o‘z vaqtida tekshirib turish majburiyatini o‘z zimmasiga oladi.
- 9.8. Agar abituriyent oldin topshirilgan hujjatlarga qoshimcha ravishda ma'lumot taqdim etmoqchi bo‘lsa, unda o‘z murojaatini admission@tiue.uz manziliga xat yuborish orqali ma'lum qilishi mumkin. Aks holda, Universitet ushbu “online-ariza”ni rad etishga haqlidir.
- 9.9. Abituriyentlar “online-ariza”larni topshirganlaridan so‘ng, taqdim etilgan elektron pochtalariga arizalarini muvaffaqiyatli topshirganlari haqida yo‘riqnomalar bilan tasdiq xati oladilar.
- 9.10. Agarda ikki (2) ish kunida abituriyentlar “online” arizalari muvaffaqiyatli topshirilganligi haqida tasdiq xati olmasalar, ushbu holda Abituriyentlarni qabul qilish bo‘limi elektron pochtasiga admission@tiue.uz xat bilan murojaat qilishlari mumkin.
- 9.11. Bundan tashqari, abituriyentlar imtihonga hamda “TIUE” tomonidan taqdim etiladigan bakalavriat dasturlari haqida umumiyligi ma'lumotlarga oid barcha savollarni admission@tiue.uz elektron manziliga yuborishlari mumkin

- 9.12. Agar abituriyent bir vaqtning o‘zida bir nechta Universitetlar tomonidan talaba sifatida qabul qilingan bo‘lsa, abituriyent faqat bittasini tanlashi kerak.
- 9.13. Agar abituriyent O‘zbekistondagi boshqa oliy ta’lim muassasasi talabasi bo‘lsa, “TIUE” talabasi bo‘lishidan oldin amaldagi Universitetni tark etishi yoki bitirishi kerak. Ushbu qoidaga rioya qilmaslik “TIUE” talabalar safidan chetlashtirilishga olib keladi.
- 9.14. Abituriyent “online-ariza”dagi ma’lumotlarni to‘g‘ri taqdim etish mas’uliyatini oladi. Abituriyentning zarur ma’lumotlarni o‘z vaqtida taqdim eta olmaganligi sababli yuzaga kelgan har qanday noto‘g‘ri ma’lumotlar Universitetni javobgarlikdan ozod etadi.

10. Qabul qoidalari va hujjatlarga talablar

10.1. TA’LIM O‘ZBEK VA RUS TILIDAGI DASTURLARGA qabul talablari.

Ta’lim o‘zbek va rus tillaridagi dasturlarga qabul uchun mahalliy va xorijiy abituriyentlar quyidagi talablarga javob berishi kerak:

- a) Barcha mahalliy va xorijiy abituriyentlar o‘rta, o‘rta-maxsus ta’lim muassasalari yoki akademik litsey bitiruvchisi bo‘lishi yoki akademik litseylar bitiruvchisi bo‘lishi hamda belgilangan shakldagi ma’lumot to‘g‘risidagi hujjat yoki (transkript) diplomini (o‘qish joyidan ma’lumotnomaga) taqdim etishi shart. Universitet, zaruriyatga ko‘ra, abituriyentlardan ushbu ta’lim muassasasining akkreditatsiyasi to‘g‘risidagi guvohnomani taqdim etishni talab qilishi mumkin;
- b) bakalavriat yoki magistratura bitiruvchilari ham olgan ma’lumotini tasdiqlovchi tegishli diplomni taqdim etishlari shart;
- c) barcha abituriyentlar 2024-yil 31-dekabrga qadar o‘n olti (16) yoshga to‘lgan bo‘lishlari kerak;
- d) agar boshqa mahalliy yoki xorijiy oliy ta’lim muassasalari talabalari o‘qishlarini “TIUE”ga ko‘chirmoqchi bo‘lsalar, ular o‘z universitetining akkreditatsiyasi va o‘qish davrida o‘qigan fanlari (dastur/modul) haqida ma’lumot berishlari kerak (batafsil ma’lumot uchun 10-bandga qarang);
- e) abituriyent pasporti yoki “ID” kartasi nusxasi;
- f) 3x4 o‘lchamli oq fondagi fotosurat;
- g) Qabul komissiyasi tomonidan vaziyatga ko‘ra so‘ralgan boshqa tegishli hujjatlar.

10.2. TA'LIM INGLIZ TILIDAGI xalqaro “INTERNATIONAL FOUNDATON PROGRAMME” dasturiga qabul talablari.

Ta'lism ingliz tilidagi xalqaro “International Foundaton Programme” dasturiga qabul uchun mahalliy va xorijiy abituriyentlar quyidagi talablarga javob berishi kerak:

- a) Barcha mahalliy va xorijiy abituriyentlar o'rta, o'rta maxsus ta'lism muassasalari va va akademik litsey bitiruvchisi bo'lishi yoki akademik litseylar bitiruvchisi bo'lishi hamda belgilangan shakldagi ma'lumot to'g'risidagi hujjat yoki (transkript) diplomini (o'qish joyidan ma'lumotnama) taqdim etishi shart. Universitet, zaruriyatga ko'ra, abituriyentlardan ushbu ta'lism muassasasining akkreditatsiyasi to'g'risidagi guvohnomani taqdim etishni talab qilishi mumkin;
- b) bakalavriat yoki magistratura bitiruvchilari ham olgan ma'lumotini tasdiqlovchi tegishli diplomni taqdim etishlari shart;
- c) barcha abituriyentlar 2024-yil 31-dekabrga qadar o'n olti (16) yoshga to'lgan bo'lishlari;
- d) agar boshqa mahalliy yoki xorijiy oliy ta'lism muassasalari talabalari o'qishlarini “TIUE”ga ko'chirmoqchi bo'lsalar, ular o'z universitetining akkreditatsiyasi va o'qish davrida o'qigan fanlari (dastur/modul) haqida ma'lumot berishlari kerak (batafsil ma'lumot uchun 10-bandga qarang);
- e) abituriyent pasporti yoki “ID” kartasi nusxasi;
- f) 3x4 o'lchamli oq fondagi fotosurat;
- g) Qabul komissiyasi tomonidan vaziyatga ko'ra so'ralgan boshqa tegishli hujjatlar.
- h) Ingliz tilini bilish darajasini belgilovchi sertifikat (taqdim etilgan sanada amal qilishi kerak*);
 - “IELTS” - kamida 5.0
 - “iTEP Academic Plus”- kamida 3.0
 - “Linguaskill”- kamida 140
 - “Certificate of Foreign Language Proficiency (Milliy sertifikat)”- kamida B1
 - “Cambridge Assessment English”- kamida 140
 - “TOEFL IBT”- kamida 61
 - “TOEFL ITP”- kamida 460

**) Izoh - agarda abituriyent Ingliz tilini bilish darajasini tasdiqlovchi xalqaro sertifikatga ega bo‘lmasa abituriyent “TIUE” ichki imtihonlarida qatnashishi mumkin bo‘ladi.*

10.3. **TA’LIM INGLIZ TILIDAGI dasturlarga qabul talablari.**

Ta’lim ingliz tilidagi bakalavr dasturiga qabul uchun xorijiy va mahalliy abituriyentlar quyidagi talablarga javob berishi kerak:

- a) Barcha mahalliy va xorijiy abituriyentlar o‘rta maxsus (**12 yillik**) ta’lim muassasasini bitiruvchilari bo‘lishlari, yoki boshqa o‘quv dargohida tan olingan “International Foundation Programme” dasturi bitiruvchisi, yoki boshqa oliy ta’lim muassasasida bir yoki undan ko‘p yil davomida o‘qib kamida birinchi yilini muvaffaqiyatli bitirgan bo‘lishlari kerak va ta’limni tasdiqlovchi shahodatnoma, (transcript) yoki diplomni taqdim etishlari shart. Universitet zaruriyatga qarab abituriyentlardan ta’lim dargohining akkreditatsiyadan o‘tganligi haqida ma’lumotnoma taqdim qilishni talab etishi mumkin;
- b) bakalavriat yoki magistratura bitiruvchilari ham olgan ma’lumotini tasdiqlovchi tegishli diplomni taqdim etishlari shart;
- c) barcha abituriyentlar 2024-yil 31-dekabrga qadar o‘n olti (16) yoshga to‘lgan bo‘lishlari kerak;
- d) agar boshqa mahalliy yoki xorijiy oliy ta’lim muassasalari talabalari o‘qishlarini “TIUE”ga ko‘chirmoqchi bo‘lsalar, ular o‘z universitetining akkreditatsiyasi va o‘qish davrida o‘qigan fanlari (dastur/modul) haqida ma’lumot berishlari kerak (batafsil ma’lumot uchun 10-bandga qarang);
- e) abituriyent pasporti yoki “ID” kartasi nusxasi;
- f) 3x4 o‘lchamli oq fondagi fotosurat;
- g) qabul komissiyasi tomonidan vaziyatga ko‘ra so‘ralgan boshqa tegishli hujjatlar.
- h) Ingliz tilini bilish darajasini belgilovchi sertifikat (taqdim etilgan sanada amal qilishi kerak*);
 - “IELTS”-kamida 5.5
 - “iTEP Academic Plus”- kamida 3.5
 - “Linguaskill”- kamida 160
 - “Certificate of Foreign Language Proficiency (Milliy sertifikat)”- kamida B2

- “Cambridge Assessment English”- kamida 160
- “TOEFL IBT”- kamida 72
- “TOEFL ITP”-kamida 543

**) Izoh- agarda abituriyent Ingliz tilini bilish darajasini tasdiqllovchi xalqaro sertifikatga ega bo‘lmasa abituriyent “TIUE” ichki imtihonlarida qatnashishi mumkin bo‘ladi.*

11. Mahalliy va xorijiy universitetlardan to‘g‘ridan-to‘g‘ri qabul (TRANSFER)

- 11.1. Qabulga arizalar faqat Universitetning rasmiy sayti (www.tiue.uz) orqali "ONLINE-ARIZA" shaklida qabul qilinadi. Shu bilan birga, abituriyent onlayn arizani (yoki so'rovnomani) Universitetda to'ldirish imkoniyatiga ega.
- 11.2. Abituriyentlar o‘zлari haqidagi shaxsiy ma’lumotlarni to‘g‘ri kiritishlari hamda kerakli bo‘lgan elektron hujjatlarni Universitetning qabul tizimiga yuklashlari kerak. Bunda, abituriyent taqdim etilgan ma’lumotlarning ishonchliligi va to‘g‘riliгини kafolatlaydi.
- 11.3. Kerakli hujjatlar yuklangandan so‘ng, hujjatlarni qabul qilish bo‘yicha mas’ul xodim abituriyent tomonidan taqdim etilgan barcha hujjatlarni o‘rganishni boshlaydi.
- 11.4. Kerakli hujjatlar bo‘lmasa, hujjatlarni qabul qilish bo‘yicha mas’ul xodim abituriyent bilan bog‘lanishi mumkin.
- 11.5. Universitet abituriyent bilan muloqotni faqatgina abituriyent tomonidan “online-ariza”da ko‘rsatilgan elektron pochta manzili orqaligina tashkil qiladi. Har bir abituriyent “online-ariza”da ko‘rsatilgan elektron pochtasini o‘z vaqtida tekshirib turish majburiyatini o‘z zimmasiga oladi.
- 11.6. TIUEning 2-yil (Year 1)ga to‘g‘ridan-to‘g‘ri qabul qilish (o‘qishni ko‘chirish) shartlari:
 - 11.6.1. To‘g‘ridan-to‘g‘ri qabul (transfer) talablari TIUEDagi barcha bakalavriat dasturlariga qo’llaniladi va tegishli akademik ma’lumotga va qobiliyatga ega potentsial talabalarni tanlash uchun mo’ljallangan.
 - 11.6.2. O‘qishni ko‘chirayotgan talabalar o‘quv yili oxirida tugallangan barcha fanlar uchun akademik transkript va o‘quv rejani (dastur/modul tavsifi) taqdim etishlari shart.
 - 11.6.3. Agar transkriptda sanab o’tilgan fanlar va TIUE fanlari o’rtasidagi farq 60 ta TIUE kreditidan yoki uchta fandan oshmasa:

- a. O'qishni ko'chirish faqat mos keladigan sohaga (o'qish sohasiga yaqin) amalga oshirilishi mumkin;
 - b. Agar akademik ma'lumotnomada (transkript) ko'rsatilgan fanlarda 60 ta TIUE krediti yoki uchta fanda farq bo'lsa, ushbu fanlarni TIUEDa qaytadan topshirish imkoniyati mavjud (belgilangan to'lov asosida). Qayta tayyorlash uchun 2024-2025 o'quv yilida imkoniyatlar shartli ravishda taqdim etiladi. Agar 60ta TIUE krediti yoki uchta fandan ortiq farq bo'lsa, bu holatni universitet alohida ko'rib chiqish huquqiga ega.
 - c. TIUE da ichki kirish imtihonlarini muvaffaqiyatlari yakunlash (agar kerak bo'lsa).
- 11.7. TIUE talablariga javob beradigan va "International Foundation Programme" dasturining e'tirof etilgan sertifikati yoki diplomiga ega bo'lgan talabgorlar, 10.3 "h" bandning talablariga muvofiq bo'lsa, ya'ni ingliz tilini bilishini tasdiqlovchi sertifikat taqdim etganida yoki ichki kirish imtihonlaridan muvaffaqiyatlari o'tganida, qabul qilinishi mumkin.
- 11.8. TIUE odatiy amaliyotdan farq qilishi mumkin bo'lgan qo'shimcha o'qishni ko'chirish variantlarini taqdim etish huquqini o'zida saqlab qoladi.

12. Hujjatlarni qabul qilish va imtihon topshirish muddatlari

- 12.1. TIUE 2024-yil 1-fevraldan boshlab 2024-2025 o'quv yili uchun abituriyentlardan hujjatlarni qabul qilishi boshlaydi. Hujjatlarni qabul qilish 2024-yil 31-avgustgacha davom etadi.
- 12.2. TIUE zarur deb topsa, o'quv yiliga tayyorgarlikka zarar yetkazmagan holda qabul muddatini uzaytirish huquqini o'zida saqlab qoladi.

13. Kirish imtihonlari

- 13.1. Onlayn arizalar muvaffaqiyatli topshirilgandan so'ng, abituriyentlar TIUE ta'lim dasturlari bo'yicha til va matematikani bilish darajasini aniqlash uchun kirish imtihonlari topshiradilar.
- 13.2. Agar abituriyent ingliz tilini bilishini tasdiqlovchi sertifikatga ega bo'lsa (10.2. "h" va 10.3. "h" bandlariga muvofiq) abituriyent ingliz tili kirish imtihonidan avtomatik ravishda ozod etiladi.
- 13.3. Quyidagi jadvalda va quyida qabul davrida imtihonlar boshlanadigan sanalari, joyi va vaqtiga haqida ma'lumot berilgan:

Fanlar	Imtihon sanalari
Matematika va Ta'lim tili (o'zbek, rus va ingliz tillarida)	2024 yil iyun, iyul va avgust oylarida
Matematika va Ta'lim tili (o'zbek, rus va ingliz tillarida) <i>(zaruriyat bo'lsa TIUE ixtiyoriga ko'ra tashkil etiladi)</i>	2024 yil sentyabr oyida

- 13.4. **Kirish imtihonlari o'tkaziladigan joy** – TIUE universiteti binosi **bo'lib, uning manzili**: Toshkent shahar, Yashnobod tumani, Tuzel-2 massivi, Imom Buxoriy ko'chasi.

Manzil: <https://tiue.uz>

Telefon : (+998) 55 512 20 20 (303); (+998) 99 560 20 20

Jamoat transporti:

Avtobuslar: № 30, 44, 95, 106, 110, 119, 129, 148.

Minibuslar: № 47, 91, 73, 111, 369.

Metro: “Tuzel” bekati

Kirish imtihonlari vaqtি -

Birinchi sessiya 9:30 dan - 12:30 gacha

Ikkinci sessiya 14:30 dan - 17:30 gacha

Kirish imtihon to'lovli – BEPUL.

Muhimi! TIUE universiteti **KIRISH IMTIHONLARINING** sanalari, joyi va vaqtiga o'zgartirish va qo'shimchalar kiritish huquqiga ega. Bu haqda TIUE rasmiy ijtimoiy tarmoqlarida va www.tiue.uz rasmiy veb-saytida qo'shimcha ravishda e'lon qilinadi, shuningdek, xabar berish TIUE ro'yxatga olish portalida talabgorning ilgari ro'yxatdan o'tgan elektron manziliga bildirishnomha yuborish orqali amalga oshiriladi.

- 13.5. Kirish imtihoni faqat ona tili va matematika fanlarini bilish darajasini aniqlash uchun testlar yoki boshqa vazifalardan iborat.

O'qish sohalari	O'qitish tillari	Kirish imtihonlari (Fanlar) / Baholash mezonlari	
		1. Til bilish	2. Matematika
Axborot texnologiyalari	O'zbek tili	1-komponent: Yozma imtihon - Test (20 ta test savollari, har bir to'g'ri javob uchun 2,5 ball) - umumiy hisobda 50 ball.	Yozma imtihon - Test (har bir to'g'ri javob uchun 5 ball bilan 20 ta ko'p tanlovli test savollari) - umumiy hisobda 100 ball.
	Rus tili	2-komponent: Yozma imtihon - berilgan mavzu bo'yicha esse (insho) yozish - jami 50 ball.	
Biznes boshqaruvi	O'zbek tili	Imtihon uchun jami 100 ball.	Imtihon uchun jami 100 ball.
	Rus tili	Vaqti: 80 daqiqa. O'tish ballari – Reyting asosida qabul kvotasi doirasidagi muvaffaqiyatli nomzodlar tanlanadi.	Vaqti: 80 daqiqa. O'tish ballari – Reytingga asosan, muvaffaqiyatli nomzodlar qabul kvotasi oldidan tanlanadi.
Ta'lif va ta'lif jarayonlarini boshqarish	O'zbek tili	Tilni bilish imtihoni IELTS shaklida yoki IELTS sertifikatini 5.0 va undan yuqori YOKI ekvivalentini taqdim etish.	
International Foundation Programme "IFP"	Ingliz tili		

Izoh:

1. Bir marta kirish imtihoniga taklif qilingan, ammo kela olmagan abituriyentlar qayta taklif etilishi mumkin.
2. Imtihonlarning birinchi bosqichlaridan muvaffaqiyatli o'ta olmagan abiturientlarga matematika va til bilish darajalari bo'yicha qo'shimcha kirish imtihonlari topshirilish imkoniyati beriladi.

13.5.1. Til bilish darajasini aniqlash uchun maxsus sharoitlar (o'zbek, rus, ingliz tillari):

- a) **O'zbek va rus tillarida:** yozma imtihon universitet tomonidan belgilanadigan vaqtida va joyda yozma ravishda (qog'ozda yoki axborot texnologiyalari yordamida) o'tkaziladi. Muvaffaqiyatli o'tish natijasi universitet tomonidan belgilanadi.
- b) **Ingliz tilida:** IELTS shaklida (qog'ozda yoki axborot texnologiyalari yordamida) tegishli sertifikat yoki diplom bo'limgan holda, universitet

tomonidan belgilanadigan vaqtida va joyda o‘tkaziladi. International Foundation dasturi uchun imtihonni muvaffaqiyatli topshirish IELTS imtihonidan kamida 5,0 ballga, ikkinchi yili esa kamida 5,5 IELTS balliga tengdir.

- 13.6. Bir marta kirish imtihoniga taklif qilingan, ammo imtihonga kela olmagan abituriyentlar qayta taklif etilishi mumkin.
- 13.7. Shu bilan birga, TIUE bиринчи bosqichlardan o‘ta olmagan abituriyentlar uchun qo‘s Shimcha kirish imtihonlarini o‘tkazish huquqini o‘zida saqlab qoladi.
- 13.8. TIUEga qabul qilingan yoki rad etilganligi to‘g‘risidagi rasmiy hujjatlar, ariza beruvchining imtihondan o‘tgan yoki o‘tmaganligidan qat’i nazar, faqat ariza beruvchiga, yaqin qarindoshlariga yoki notarial tasdiqlangan ishonchnomaga ega bo‘lgan shaxslarga topshiriladi.
- 13.9. Kirish imtihon qog‘ozlari TIUEning mulkidir va butunlay maxfiydir. TIUE imtihon baholari va imtihon qog‘ozlarini (hujjatlarni) ko‘rsatish majburiyatiga ega emas.

14. Imtihon topshirish uchun ko‘rsatmalar:

Imtihonlardan oldin:

- TIUE universitetiga imtihon boshlanishidan 20 daqiqa oldin kelish;
- Shaxsingizni tasdiqlash uchun ID-karta yoki pasportning asl nusxasini taqdim etish;
- TIUE talabnomasi beruvchilarni ro‘yxatga olish portalida ilgari murojaat etuvchining ro‘yxatdan o‘tgan elektron pochta manziliga yuborilgan ariza beruvchining hujjat topshirishini ta’minlash;
- O‘zingiz bilan ruchka oling;
- Bitta suv (0,5 l) olib kelish mumkin;
- Auditoriya raqamini va har bir talabgorga topshiriladigan o‘rindiq raqamini tekshirish;
- Imtihon xonasiga kirishdan oldin talabgorlar imtihon davomida foydalanishga ruxsat etilmagan aldov varaqalari yoki buyumlarni tekshirishga tayyor bo‘lishlari kerak;
- Darsga kirish uchun ruxsat olgandan so‘ng, talabalar o‘z joylarini egallashlari va imtihonlar boshlanishidan oldin nazoratchilarning (universitetning mas‘ul vakillari) qo‘s Shimcha ko‘rsatmalarini kutishlari va anketalarga tegmasliklari kerak.
- Auditoriyaga kirishdan oldin xojaxxonadan foydalaning.
- **Qudagilarga ega bo‘lish QATIYAN MAN ETILADI:**
- Telefon /smart-soat, gadget yoki sumka. Agar mavjud bo‘lsa, ro‘yxatga olingan narsalarni imtihon xonasiga kirish joyida qoldirishingiz kerak.

- Ko‘rsatmalarda ko‘rsatilmagan bo‘lsa, aldash varaqalari, daftarlari yoki boshqa har qanday begona narsalar.

Imtihonlar davomida:

- **Boshqa abituriyentlar bilan muloqot qilish taqiqlangan;**
- Imtihon/javoblar varaqasidagi ma’lumotlaringizni diqqat bilan to’ldiring va pasportingiz yoki identifikatsion kartangiz va pochta kodingiz bo'yicha - abituriyentlar jadvalida ko‘rsatilgan raqamga muvofiq identifikatsion raqamingizni ko‘rsatganligiga ishonch hosil qiling.
- Abituriyentlar bilan muloqot qilish, imtihon paytida atrofga qarash, suhbatlashish yoki boshqalarni bezovta qilish va har qanday intizom va tartib qoidalarini buzish **taqiqlangan**.
- Savollaringiz bo‘lsa, qo‘lingizni ko‘taring va yoningizga invigilator kelishini kuting.
- Imtihon vaqtida tugagach yozishni to‘xtatib, qat’iy ko‘rsatmalarga ko‘ra ishni invigilatorga topshiring.
- Imtihonlar vaqtida **o‘quvchi qog‘ozni topshirmagan bo‘lsa, xonadan chiqish taqiqlanadi.**

15. Muvaffaqiyatli abituriyentlarni ro‘yxatdan o‘tkazish jarayoni

- 15.1. Imtihonlarni topshirgandan so‘ng, 5 (besh) ish kuni ichida imtihon natijalari to‘g‘risidagi xat (PASS / FAIL) abituriyentning TIUE Abituriyentni ro‘yxatga olish portalida ro‘yxatdan o‘tgan elektron pochta manziliga yuboriladi.
- 15.2. “TIUE” talablariga javob beradigan muvaffaqiyatli abituriyentlar 10-bandda ko‘rsatilgan asl nusxadagi hujjatlarini taqdim etganidan so‘ng belgilangan muddatda Universitetning Qabul komissiyasidan to‘lov-kontrakt asosida o‘qish shartnomasini oladilar.
- 15.3. Abituriyent o‘qish to‘lov-kontraktiga muvofiq moliyaviy majburiyatlarni bajarganidan so‘ng, “TIUE” rektori tomonidan talabalikka qabul qilish to‘g‘risida buyruq chiqariladi. Buyruq odatda Sentabr oyida yoki o‘quv yilining boshlanishiga yaqin chiqariladi.
- 15.4. Agar abituriyent har qanday holatda qabul jarayonida yolg‘on ma’lumotlar, soxta hujjatlar taqdim etgan va qabul jarayonida aldov ishlatgan bo‘lsa, “TIUE” o‘qish shartnomasini bir taraflama bekor qiladi. Bu shart Universitetga o‘qishga kirgandan keyin ham amal qiladi.

16. Appelyatsiya

- 16.1. Abituriyentlar “TIUE” kirish imtihonlarida olgan baholariga nisbatan e’tiroz bildirish huquqlariga ega emaslar, ya’ni “TIUE” imtihon varaqalarini abituriyentlarga ko‘rsatmaydi va akademik baholash natijalari ustidan shikoyatlar qabul qilinmaydi.

- 16.2. Abituriyentlar imtihon jarayonida sodir bo‘lgan holatlar bo‘yicha yetarli dalillar mavjud bo‘lsa, o‘z shikoyatlarini Qabul komissiyasi raisiga yozma ravishda 3 (uch) kun ichida taqdim etishlari lozim.

17. To‘lov-kontrakt miqdori

- 17.1. Mahalliy va xorijiy abituriyentlar uchun “TIUE” dasturlaridagi belgilangan to‘lov-kontrakt miqdori o‘zaro farq qiladi.
- 17.2. “TIUE” kelgusi yillar uchun to‘lov-kontrakt miqdorini qayta ko‘rib chiqish huquqini o‘zida saqlab qoladi.
- 17.3. Quyidagi jadvalda dasturlardagi to‘lov-kontrakt miqdori haqida batafsil ma‘lumotlar keltirilgan:

TA’LIM O‘ZBEK VA RUS TILIDAGI DASTURLAR

Dasturlar	Ta’lim shakli	O‘qish davomiyligi (o‘quv yili)	O‘qish uchun to‘lovlar (bir o‘quv yili uchun)	
			Mahalliy talabalar uchun (so‘m)	Xorijlik talabalar uchun (USD)
Axborot texnologiyalari	Kunduzgi	3	18 000 000	2 000
	Sirtqi	4	14 000 000	1 600
Biznes boshqaruvi	Kunduzgi	3	18 000 000	2 000
	Sirtqi	4	14 000 000	1 600
Ta’lim va ta’lim jarayonlarini boshqarish	Kunduzgi	3	18 000 000	2 000

*) Izoh: Xorijiy talabalar O‘zbekiston hududidan turib jadvalda keltirilgan AQSh dollaridagi o‘qish to‘lov miqdorini to‘lov qilayotgan kunlaridagi O‘zbekiston Respublikasi Markaziy banki tomonidan belgilangan kursda O‘zbekiston Respublikasi milliy so‘miga o‘girgan holda amalga oshiradilar. O‘zbekiston hududidan tashqarida turib jadvalda keltirilgan AQSh dollarida amalga oshiradilar.

TA'LIM INGLIZ TILIDAGI DASTURLAR

Dasturlar	Ta'lism shakli	O'qish davomiyligi (o'quv yili)	O'qish uchun to'lovlari (bir o'quv yili uchun)	
			Mahalliy talabalar uchun (so'm)	Xorijlik talabalar uchun (USD)*
International Foundation Programme “IFP” (“OTHM” Level 3)	Kunduzgi	1	21 000 000	2 300
Axborot texnologiyalari	Kunduzgi	3	25 000 000	2 700
Biznes boshqaruvi	Kunduzgi	3	25 000 000	2 700
Ta'lim va ta'lim jarayonlarini boshqarish	Kunduzgi	3	25 000 000	2 700

*) Izoh. Xorijiy talabalar O'zbekiston hududidan turib jadvalda keltirilgan AQSh dollaridagi o'qish to'lov miqdorini to'lov qilayotgan kunlaridagi O'zbekiston Respublikasi Markaziy banki tomonidan belgilangan kurs bo'yicha amalga oshiradilar. O'zbekiston hududidan tashqarida turib jadvalda keltirilgan AQSh dollarida amalga oshiradilar.

18. Scholarship & Moliyaviy yordam

- 18.1. TIUE hozirda mahalliy yoki xalqaro talabalarga moliyaviy yordam ko'rsatmaydi. Moliyaviy imkoniyatlarga asoslanib, universitet turli xil “moliyaviy yordam” dasturlarini taklif qilish huquqini o'zida saqlab qoldi.
- 18.2. Shu bilan birga, TIUE universitetiga har yili davlat granti asosida kadrlar tayyorlash uchun davlat buyurtmasi asosida kvotalar ajratiladi (kontrakt bo'yicha to'lov budget mablag'lari hisobidan amalga oshiriladi). Kadrlarni davlat granti asosida tayyorlash davlat buyurtmasi vazirliklar, idoralar va mahalliy o'zini o'zi boshqarish organlarining yuqori ma'lumotli va malakali kadrlarga bo'lgan ehtiyoji asosida shakllantiriladi.
- 18.3. Davlat granti IFP dasturi va bakalavr dasturlarining birinchi kurs kunduzgi ta'lim shaklidagi davlat granti asosida o'qish istagini bildirgan talabalar o'rtasida alohida imtihonlar o'tkazish orqali universitet tomonidan beriladi. *Batafsil ma'lumot uchun, O'zbekiston Respublikasi Adliya vazirligining 2021 yil 19 oktyabrdagi 3326-sod qarori bilan ro'yxatga olingan Nizomga muvofiq.*

19. TIUE kontakt ma'lumotlari

Tashkent International University of Education	http://www.tiue.uz
Abituriyentlardan hujjat qabul qilish tizimi	https://apply.tiue.uz
O'qishni ko'chirish uchun hujjat qabul qilish tizimi	https://transfer.tiue.uz
Elektron pochta (Email)	info@tiue.uz admission@tiue.uz
Telefonlar	(+998) 55-512-20-20 (291)
Telegramda qo'llab-quvvatlash	(+998) 99-560-20-20
Jamoat transporti	Avtobuslar: № 30, 44, 49, 95, 106, 110, 129, 148. Mikroavtobuslar: № 47, 73, 91, 99, 111, 369. Metro: «Tuzel» bekati
Manzil	Toshkent sh., Yashnobod tumani, Tuzel-2 massivi, Imom Buxoriy ko'chasi
Foydali havolalar	https://www.instagram.com/tiue_uz/ https://www.facebook.com/tiue.uz/ https://t.me/tiue_uz
Qabul komissiyasining ish vaqtি	Dushanbadan Jumagacha, 9:30 dan 17:30 gacha.

I-Ilova

Ta'lim xizmatlarini ko‘rsatish to‘g‘risida

SHARTNOMA LOYIHASI